



Siverth K. Heilmann

UPA 2024/99-1

Atassut

02. Maj 2024

Inatsisartunut aalajangigassatut siunnersuut Naalakkersuisut peqquneqassasut inatsimmik pilersitseqqullugit, angajoqqaq/oqartussaassusermik tigumiartoq meeqqamut ataatsimik arlalinnilluunniit innarluuteqartumut imaluunniit arlalinnik innarluuteqartumut akissarsiatigut taarsiivigineqarnissamik, pineqartoq meeqqap innarluuteqarnerata malitsigisaanik sivikinnerusumik suliguni. Tamana pissaa meerarisaq angerlarsimaffimmi najugaqartoq qassinilluunniit ukioqaraluarpat.

(Inatsisartunut ilaasortaq Anna Wangenheim, Demokraatit)

Siullermik siunnersuuteqartoq qutsavigerusuppara siunnersuutaanut imatullu naatsumik Atassummiit oqaaseqarfigissavarput.

Qulaani qulequtarineqartoq tunngavilersuutaasorlu ilisarnarpoq, ilaatigut kommuune-ni inatsisartuni innuttaasuniillu qaqillattaarneqartartoq, qulequtarineqartoq tunngavilersuutaasorlu paasinarluarput.

Taamaattumik annerusumik oqaaseqarfiginagu, tunngaviatigulli taperserlugu, suliap aappassaaneerneqartigani inunnik isumaginninnermullu ataatsimiititaliami nalilersorluarneqarnissaa Atassummiit kaammattuugissavarput.

Qujanaq.